



GARMENDIA GARMENDIA familia

AZTIA kale-etxea da, Santa Fe kalean kokatua.

Joan Inazio Garmendia Zaldibiko *Bianda* baserriko semea eta Eulali Garmendia Gaintzako *Etxaiskoa* 1929an ezkondu ziren. Maizter bizi izan ziren *Aztian*. Hilario Mendizabalena zen etxea. Jabearen familiaz gain, beste hiru familia bizi izan dira maizter: Salaberria-Razkin, Garmendia-Garmendia eta Erauskin-Garmendia. 1954an egin ziren konponketak eta komun berria egin zen.

Eulali 1941ean geratu zen alargun, sei seme-alabarekin, inolako pentsiorik gabe, orduan ohi zenez. Eta bizimodua aurrera atertzeko makina bat lan egin izan zuen, bai etxean eta baita kanpoan ere. Bizimodu gogorra izanik, seme-alabak ere hamabi urte ezkerotik lanean hasi ziren. Baina hori ez zen hain arraroa ere garai hartan.

Eulali makina bat lan egindakoa izan arren, sasoi handiko emakumea zen eta ehun urte beteta hil zen.



J.I. Iztueta-aren omenezko plaka.

Etxearen arrastoa idatzietan

Aztiriaga 1783an agertzen da, Enerio eta Aralarko sailen erabileraz, Francisco Antonio de Echaveren aurrean, bitartekari bati emandako botere-emaileen artean (1783-12-17an). Gainera bi ordezkari agertu ziren batzarrean eta, beraz, badi-rudi garai hartan bi familia behintzat bizi zirela bertan.

Etxe hau sarri aipatzen da Joan Inazio Iztueta-aren familia eta bizitzari buruzko dokumentazioan. 1801ean han bizi zela badakigu, baina baita handik berrogei urtera ere, bertan jarri baitzen bizitzen Joan Inazio Iztueta, dantzarien maisu eta euskal folklorearen biltzailea, Zaldibira itzuli zenean. Badakigu baratza ere bazutela. Lur horiek baratz lane-tarako erabili dira, azken urteetan han etxe-saila egin arte. Etxe haren jabe, 1841ean, Ramon Inazio Albisu Iribe zen. "Capitán de Batallón distinguido de Francos de Burgos" Etxe hartan gela bat edo etxe-zati bat erabiltzen zuen Iztuetak Joxe Martin Garmendia-rekin batera.

Informazio emailea: Joxe Garmendia



GARMENDIA GARMENDIA familia. 1922
Eulali Garmendia eta Joan Inazio Garmendia.



Eulali 100 urterekin.



1943
Joxe, Eulali (ama), Eulali (besoetan),
Pedro, Joanito, Antonio eta Inazio.



1965
Antonio, Inazio, Eulali (ama), Joanito, Pedro eta Joxe.